

CCXX.

- Sus beginnet er trüren unde
clagen 2845
unde sine gaste sagen
sò manec armez mære,
daʒ im lieber wære,
wær er nie komen dar.
der wirt hât wâr, und doch niht
gar. 2850
daʒ hûs muoʒ kosten harte vil:
swer ère ze rēhte haben wil,
der muoʒ dēste ofter heime sin:
so tuo ouch under wilen schin
ob er noch ritters muot habe, 2855
und entuo sich dēs niht abe
êrn si der ritterschaft bi
diu im ze suoehenne si.
ich rede alf ich erkennen kan.
nû durch wen mōhte ein frumer
man 2860
gërner werden finen lip
danne durch sin biderbez wip?
hât er sich èren verzigen
und wil sich bi ir verligen,
unde giht dēs danne 2865
glich einem bœfen manne,
daʒ êrʒ ir ze liebe tuo,
dane geziehe si niemer zuo:
wan ir ist von hêrzen leit
sin unwirde und sin verlēgen-
heit. 2870
fwie rēhte liep êr ir si,
si mûet, ist êr ir ze ofte bi.
manegiu ziuhet sich daʒ an
durch die vorhte des man,
daʒ si sin niht verdrieʒe; 2875
swaʒ ab êrs genieʒe,
- ob er sich bi ir verlit,
daʒ hab er eine âne nit.
iu hât verdienet iuwer hant
eine küneginne unde ein lant: 2880
sult ir nu dâ verdërben bi,
so wæn ich daʒ richer si
âne huobe ein wërder man.
hêr Iwein, dâ gedenket an
und vart mit uns von hinnen, 2885
und gewinnet mit minnen
der küneginne ein urloup abe
z'eime tage der fuoge habe,
und bevelhet ir liute unde lant.
ein wip die man hât erkant 2890
in alfò stætem muote,
diune darf niht mære huote
niuwan ir fêlber èren.
man sol die huote kèren
an irriu wip und an diu kint, 2895
diu sò einvaltec sint
daʒ si eins alten wibes rât
gebringen mac ze missetât. —
Ir hât alfò gelēbt unz hêr,
daʒ ich an iu niht wandels gër, 2900
nâch èren alf ein guot knēht.
nû hât ir des êrsten rēht
daʒ sich iuwer ère
breite unde mære.
irte iuch êtswenneʒ guot 2905
michel harter danne der muot, —
nû mugt ir mit dem guote
volziehen dem muote.
nû sit biderbe und wol gemuot:
so wirt diu ritterschaft noch guot 10
in manegem lande von uns zwein.
dēs volget mir, hêr Iwein.'

CCXXI.

- Nû versuochte êr zehant
an die frouwen daʒ er vant:
wan dô sin bête was getân, 2915
done hêt si dēs deheinen wân
daʒ er ihtes bête
wan daʒ si gërne tæte.
- daʒ gewêrn rou si dâ ze stat,
dô êr urloubes bat, 2920
daʒ er turnieren müese varn.
si sprach 'daʒ sold ich ê bewarn:
done mohte sis niht wider komen.
sus wart dâ urloup genomen